

# Hummel, Hummel – Moors, Moors!

- 1 As dat in de Hamburger Hüüs noch keen Water geven hett,  
dor hebbt de Waterdregers dat Water in Ammers na de rieken  
Lüüd henbröcht. Blot DE kunnen sik dat leisten.  
De armen Lüüt müssen sülven na een vun de velen Sööd  
5 in de Stadt lopen un sik ehr Water halen.  
Een Waterdreger is hüüt noch in Hamborg bekannt.  
Ok wenn he al mehr as 150 Jöhren doot is. Johann Wilhelm Bentz hett  
he heten un he keek jümmers as en olen Suerpott.  
Dat keem woll vun de swore Dracht. Meist müss he de vullen  
10 Waterammers en poor Kilometer wiet dregen.  
He müss flink lopen un wull dat Water ok nich utgeten.  
En leddigen Ammer hett nix inbröcht un he müss Geld dormit  
verdenen. De Gören op de Straat trietsen em as dull.  
Se hebbt jümmers „Hummel, Hummel“ achter em anbölkt.  
15 Dat weer för Johann Wilhelm Bentz en heel gresigen Ökelnaam.  
Vergretzt hett he „Moors, Moors“ torüchropen.  
Un dat hett sik bet hüüt holen.  
Röppt en Hamburger „Hummel, Hummel“, kummt bestimmt  
vun jichtenseen Kant en luut „Mors, Mors“ trüch!

## Wörterliste:

Waterdreger	Wasserträger	trietsen	ärgern
Ammer	Eimer	as dull	sehr stark
sülven	selber	bölken	schreien, rufen
Soot ( <i>Sööt pl.</i> )	Brunnen	gresig	schrecklich
keek	guckte	Ökelnaam	Neckname
Suerpott	Sauertopf	vergretzt	wütend
Dracht	Last	jichtenseen	irgendeiner
flink	schnell	Kant	Seite
utgeten	ausgiessen		
leddig	leer		
inbröcht	eingebracht		
verdenen	verdienen		
Gören	Kinder		